

ছবি ও গান

শ্রীরবীন্দ্রনাথ ঠাকুর

১৩২৯ সন

মূল্য চার আনা.

প্রকাশক
শ্রীপাঁচকড়ি মিত্র
ইণ্ডিয়ান পাবলিশিং হাউস
২২, কর্ণওয়ালিস স্ট্রীট, কলিকাতা।

কাল্পিক প্রেস
২০ কর্ণওয়ালিস স্ট্রীট, কলিকাতা।
শ্রীহরিচরণ মাল্লা দ্বারা মুদ্রিত।

সূচী

কে	১
সুখ স্বপ্ন	২
জাগ্রত স্বপ্ন	৪
দোলা	৭
একাকিনী	৯
গ্রামে	১১
আদরিণী	১৩
খেলা	১৫
ঘুম	১৭
বিদায়	১৯
বিরহ	২১
সুখের স্মৃতি	২২
যোগী	২৪
পাগল	২৬
মাতাল	২৯
বাদল	৩১
অর্তিস্বর	৩২
স্মৃতি-প্রতিমা	৩৫
আবছায়া	৩৮
আচ্ছন্ন	৪০

ସ୍ନେହସମ୍ପର୍କୀ	୫୭
ବାହର ପ୍ରେମ	୫୯
ମଧ୍ୟାହ୍ନେ	୬୧
ପୁର୍ଣ୍ଣିମାସ	୬୫
ମୋଡ଼ା ବାଡ଼ି	୬୮
ଅଭିମାନିନୀ	୬୯
ନିଶିଥ ଜଗତ	୭୧
ନିଶିଥ-ଚେତନା	୭୨

ছবি ও গান

কে ?

আমার প্রাণের পরে চলে গেল কে
বসন্তের বাতাসটুকুর মত ।
সে যে ছুঁয়ে গেল বুয়ে গেল রে
ফুল ফুটিয়ে গেল শত শত ।

সে চলে গেল, বলে গেল না,
সে কোথায় গেল ফিরে এল না,
সে যেতে যেতে চেয়ে গেল,
 কি যেন গেয়ে গেল,
তাই আপন মনে বসে আছি
 কুহুম বনেতে ।

সে ঢেউয়ের মত ভেসে গেছে,
 চাঁদের আলোর দেশে গেছে,
 যেখেন দিয়ে হেসে গেছে,
 হাসি তার রেখে গেছে রে,

মনে হল আঁখির কোণে
 আমার যেন ডেকে গেছে সে।
 আমি কোথায় যাব কোথায় যাব,
 ভাবতেছি তাই একলা বসে।

সে চাঁদের চোখে বুলিয়ে গেল
 ঘুমের ঘোর।

সে প্রাণের কোথা ছলিয়ে গেল
 ফুলের ডোর।

সে কুসুম বনের উপর দিয়ে
 কি কথা যে বলে গেল,
 ফুলের গন্ধ পাগল করে
 সঙ্গে তারি চলে গেল।
 হৃদয় আমার আকুল হল,
 নয়ন আমার মুদে এল,
 কোথা দিয়ে কোথায় গেল সে।

সুখ স্বপ্ন

ওই জানাণার কাছে বসে আছে
 করতলে রাখি মাথা।

তার কোলে ফুল পড়ে রয়েছে
 সে যে ভুলে গেছে মালা গাঁথা।

শুধু বুক বুক বায়ু বহে যায়
তার কানে কানে কি যে কহে যায়,
তাই আধ' গুয়ে আধ' বসিয়ে
কত ভাবিতেছি আনমনে ।

 উড়ে উড়ে যায় চুল,
কোথা উড়ে উড়ে পড়ে ফুল
 বুক বুক কাঁপে গাছপালা
 সমুখের উপবনে ।

 অধরের কোণে হাসিটি
 আধখানি মুখ ঢাকিয়া,
 কাননের পানে চেয়ে আছে
 আধ-মুকুলিত আঁখিয়া ।

 অদূর স্বপন ভেসে ভেসে
 চোখে এসে যেন লাগিছে,
 ঘুমঘোরময় অথের আবেশ
 প্রাণের কোথায় জাগিছে ।

 চোখের উপরে মেঘ ভেসে যায়,
 উড়ে উড়ে যায় পাখী,
 সারাদিন ধ'রে বকুলের ফুল
 ঝ'রে পড়ে থাকি থাকি ।

 মধুর আলস, মধুর আবেশ,
 মধুর মুখের হাসিটি,
 মধুর স্বপনে প্রাণের মাঝারে
 বাজিছে মধুর বাঁশিটি ।

জাগ্রত স্বপ্ন

আজ একেলা বসিয়া, আকাশে চাহিয়া,
 কি সাধ যেতেছে, মন !
 বেলা চলে যায়—আছিন্ কোথায় ?
 কোন্ স্বপনেতে নিমগন ?
 বসন্ত বাতাসে আঁখি মুদে আসে,
 মৃদু মৃদু বহে শ্বাস,
 গায়ে এসে যেন এ লায়ে পড়িছে
 কুসুমের মৃদুবাস ।

যেন সুদূর নন্দন-কানন-বাসিনী
 সুখ-সুম-ঘোরে মধুর-হাসিনী,
 অজানা প্রিয়ার ললিত পরশ
 ভেসে ভেসে বহে যায়,

অতি মৃদু মৃদু লাগে গায় ।
 বিস্মরণ-মোহে আঁধারে আলোকে
 মনে পড়ে যেন তায়,
 স্মৃতি-আশামাখা মৃদু স্মৃথে হুখে
 পুলকিয়া উঠে কায় ।
 ভ্রমি আমি যেন সুদূর কাননে,
 সুদূর আকাশ তলে,
 আনমনে যেন গাহিয়া বেড়াই
 সন্নয়র কলকলে ।

গহন বনের কোথা হতে শুনি
 বাঁশির স্বর আভাষ,
 বনের হৃদয় বাজাইছে যেন
 ময়মের অভিলাষ ।
 বিভোর হৃদয়ে বুঝিতে পারিনে
 কে গায় কিসের গান,
 অজানা ফুলের স্মৃতি মাথান'
 স্মৃতিস্থাপন করি পান ।

যেনরে কোথায় তরুর ছায়ায়
 বসিয়া রূপসী বালা,
 কুমুম-শয়নে আধেক মগনা,
 বাকল বসনে আধেক নগনা,
 সুখ দুখ গান গাহিছে শুইয়া
 গাঁথিতে গাঁথিতে মালা ।
 ছায়ায় আলোকে, নিঝরের ধারে,
 কোথা কোন্ গুপ্ত গুহার মাঝারে,
 যেন হেথা হোথা কে কোথায় আছে
 এখনি দেখিতে পাব,
 যেনরে তাদের চরণের কাছে
 বীণা লয়ে গান গাব ।
 শুনে শুনে তারা আনত নয়নে
 হাসিবে মুচুকি হাসি,

সরমের আভা অধরে কপোলে
 বেড়াইবে ভাসি ভাসি ।
 মাথায় বাঁধিয়া ফুলের মালা
 বেড়াইব বনে মনে ।
 উড়িতেছে কেশ উড়িতেছে বেশ
 উদাস পরাগ কোথা নিরুদ্দেশ,
 হাতে ল'য়ে বাঁশি, মুখে ল'য়ে হাসি,
 ভ্রমিতেছি আনন্দে ।
 চারিদিকে মোর বসন্ত হসিত,
 যৌবন-কুসুম প্রাণে বিকশিত,
 কুসুমের পরে ফেলিব চরণ,
 যৌবন মাধুবী ভরে ।—
 চারিদিকে মোর মাধবী মালতী
 সৌরভে আকুল করে ।

কেহ কি আমারে চাহিবে না ?
 কাছে এসে গান গাহিবে না ?
 পিপাসিত প্রাণে চাহি মুখপানে
 কবে না প্রাণের আশা ?
 চাঁদের আলোতে, বসন্ত বাতাসে,
 কুসুম কাননে বাঁধি বাহুপাশে
 সরমে সোহাগে মৃদু মধু হাসে
 জানাবে না ভালবাসা ?
 আমার যৌবন-কুসুম-কাননে
 ললিত চরণে বেড়াবে না ?

আমার প্রাণের লতিকা বাঁধন
 চরণে তাহার জড়াবে না ?
 আমার প্রাণের কুসুম গাঁথিয়া
 কেহ পরিবে না গলে ?
 তাই ভাবিতেছি আপনার মনে
 বসিয়া তরুর তলে ।

দোলা

ঝিকিমিকি বেলা ;
 গাছের ছায়া কাঁপে জলে,
 সোনার কিরণ করে খেলা ।
 ছুটিতে দোলার পরে দোলেয়ে,
 দে'খে রবির আঁখি ভোলেয়ে ।

গাছের ছায়া চারিদিকে আঁধার করে রেখেছে
 লতাগুলি আঁচল দিয়ে ঢেকেছে ।
 ফুল ধীরে ধীরে মাথায় পড়ে,
 পায়ের পড়ে, গায়ের পড়ে,
 থেকে থেকে বাতাসেতে বুরু বুরু পাতা নড়ে ।
 নিরালা সকল ঠাঁই,
 কোথাও সাড়া নাই,
 শুধু নদীটি বহে যায় বনের ছায়া দিয়ে,
 বাতাস ছুঁয়ে যায় লতারে শিহরিয়ে

দুটিতে ব'সে ব'সে দোলে
 বেলা কোথায় গেল চলে ।
 পাখীরা এল ঘরে,
 কত যে গান করে,
 দুটিতে ব'সে ব'সে দোলে ।
 হের, সুধামুখী মেয়ে
 কি চাওয়া আছে চেয়ে
 মুখানি থুয়ে তার বুকে ।
 কি মায়া মাথা চাঁদমুখে ।

হাতে তার কাঁকন জুগাছি,
 কানেতে ছলিছে তার জুল,
 হাসি-হাসি মুখখানি তার
 ফুটেছে সঁঝের জুঁই ফুল ।
 গলেতে বাহু বেঁধে
 দুজনে কাছাকাছি,
 ছলিছে এলোচুল
 ছলিছে মালাগাছি ।
 আধার ঘনাইল,
 পাখীরা ঘুমাইল,
 সোনার রবি-আলো আকাশে মিলাইল ।
 মেঘেরা কোথা গেল চলে,
 দুজনে ব'সে ব'সে দোলে ।

ঘেসে আসে বুকে বুক,
 মিলায়ে মুখে মুখে
 বাহুতে বাঁধি বাহুপাশ,
 সুধীরে বহিতেছে খাস ।
 মাঝে মাঝে থেকে থেকে
 আকাশেতে চেয়ে দেখে,
 গাছের আড়ালে ছুটি তারা ।
 প্রাণ কোথা উড়ে যায়,
 সেই তারা পানে ধায়,
 আকাশের মাঝে হয় হারা ।
 পৃথিবী ছাড়িয়া যেন তা'রা
 ছুটিতে হয়েছে ছুটি তারা ।

একাকিনী

একটি মেয়ে একেলা,
 সাঁঝের বেলা,
 মাঠ দিয়ে চলেছে ।
 চারিদিকে সোনার ধান ফলেছে !
 গুর মুখেতে পড়েছে সাঁঝের আভা,
 চুলেতে করিছে ঝিকিঝিকি ।
 কে জানে কি ভাবে মনে মনে
 আনমনে চলে ঝিকিঝিকি ।

পশ্চিমে সোনার সোনাময়,
এত সোনা কে কোথা দেখেছে ।

তারি মাঝে মলিন মেয়েটি
কে যেনরে একে রেখেছে ।

ওর মুখখানি কেনগো অমন ধারা
যেন কোন খানে হয়েছে পথহারী
কারে যেন কি কথা শুধাবে,
শুধাইতে ভয়ে হয় সারা ।

ওর চরণ চলিতে বাধে বাধে
শুধালে কথাটি নাহি কয় ।
বড় বড় আকুল নয়নে
শুধু মুখপানে চেয়ে রয় ।
নয়ন করিছে ছল ছল,
এখনি পড়িবে যেন জল ।

সাঁঝেতে নিরালা সব ঠাঁই,
মাঠে কোথাও জনপ্রাণী নাই—
দূরে অতি দূরে দেখা যায়,
মলিন সে সাঁঝের আলোতে
ছায়া ছায়া গাছপালাগুলি
মেশে মেশে মেঘের কোলেতে ।

বড় তোর বাজিতেছে পায়,
আয়রে আমার কোলে আয় ।

আ-মরি জননী তোর কে !

বল্‌রে কোথায় তোর ঘর ।

তরাসে চাহিস্ কেনরে ।

আমারে বাসিস্ কেন পর ?

গ্রামে

নবীন প্রভাত-কনক-কিরণে,

নীরবে দাঁড়ায়ে গাছপালা,

কাঁপে মৃদু মৃদু কি যেন আরামে,

বায়ু বহে যায় সুখা-ঢালা ।

নীল আকাশেতে নরিকেল তরু,

ধীরে ধীরে তার পাতা নড়ে,

প্রভাত আলোতে কুঁড়ে ঘরগুলি,

জলে ঢেউগুলি ওঠে পড়ে ।

হুয়ারে বসিয়া তপন কিরণে

ছেলেরা মিলিয়া করে খেলা,

মনে হয় সব কি যেন কাহিনী

শুনেছিহু কোন্‌ ছেলেবেলা ।

প্রভাতে যেনরে ঘরের বাহিরে

সে কালের পানে চেয়ে আছি,

পুরাতন দিন হোথা হতে এসে

উড়িয়ে বেড়ায় কাছাকাছি ।

ঘর দ্বার সব মায়া ছায়া সম,
 কাহিনীতে গাঁথা খেলা-ধূলি,
 মধুর তপন, মধুর পবন
 ছবির মতন কুঁড়েগুলি ।
 কেহবা দোলায় কেহবা দোলে
 গাছতলে মিলে করে মেলা,
 বাঁশি হাতে নিয়ে রাখাল বালক
 কেহ নাচে, গায়, করে খেলা ।
 এমনি যেনরে কেটে যায় দিন,
 কারো যেন কোন কাজ নাই,
 অসম্ভব যেন সকলি সম্ভব,
 পেতেছে যেনরে যাহা চাই ।
 কেবলি যেনরে প্রভাত তপনে,
 প্রভাত পবনে, প্রভাত স্বপনে,
 বিরামে কাটায় আরামে ঘুমায়
 গাছপালা, বন, কুঁড়েগুলি ।
 কাহিনীতে ঘেরা ছোট গ্রামখানি,
 মায়াদেবীদের মায়া রাজধানী,
 পৃথিবী বাহিরে কলপনা ভীরে
 করিছে যেনরে খেলা ধূলি ।

আদরিণী

একটুখানি সোনার বিন্দু, একটুখানি মুখ,
 একা একটু বনফুল ফোটে ফোটে হয়েছে,
 কচি কচি পাতার মাঝে মাঝা খুয়ে রয়েছে ।
 চারদিকে তার গাছের ছায়া, চারদিকে তার নিশ্চিতি,
 চারদিকে তার ঝোপে বাপে, আঁধার দিয়ে ঢেকেছে,
 বনের সে যে স্নেহের ধন আদরিণী মেয়ে,
 তা'রে বৃকের কাছে মুকিয়ে যেন রেখেছে ।

•

একটুখানি রূপের হাসি আঁধারেতে ঘুমিয়ে আলা,
 বনের স্নেহ শিয়রেতে জেগে আছে ।
 স্নকুমার প্রাণটুকু তার কিছু যেন জানে না,
 চোখে শুধু স্নথের স্বপন লেগে আছে ।
 একটি যেন রবির কিরণ ভোরের বেলা বনের মাঝে,
 খেলাতে ছিল নেচে নেচে,
 নিরালাতে গাছের ছায়ে, আঁধারেতে শ্রান্তকায়
 সে যেন ঘুমিয়ে পড়েছে ।
 বনদেবী করুণ-হিয়ে তারে যেন কুড়িয়ে নিয়ে
 বতন করে আপন ঘরেতে ।
 খুয়ে কোমল পাতার পরে মায়ের মত স্নেহভরে
 ছোঁয় তারে কোমল করেতে ।

ধীরি ধীরি বাতাস গিয়ে আসে তারে দোলা দিয়ে,
 চোখেতে চুম' খেয়ে যায় ।
 ঘুরে ফিরে আশে পাশে বারবার ফিরে আসে,
 হাতটি বুলিয়ে দেয় গায় ।

একলা পাখী গাছের শাখে কাছে তোর ব'সে থাকে,
 সারা হৃপুরবেলা শুধু ডাকে,
 যেন তার আর কেহ নাই, সারাদিন একলাটি তাই
 স্নেহ ভরে তোর নিষেই থাকে ।
 ও পাখীর নাম জানিনে, কোথায় ছিল কে তা' জানে,
 রাতের বেলায় কোথায় চলে যায় ।
 হৃপুরবেলা কাছে আসে, সারাদিন ব'সে পাশে
 একটি শুধু আদরের গান গায় ।

রাত্রে কত তারা ওঠে, ভোরের বেলা চলে যায় ।
 তোরেত কেউ দেখে না জানে না,
 এককালে তুই ছিলি যেন ওদেরি ঘরের মেয়ে,
 আজকে রে তুই অজানা অচেনা ।
 নিত্য দেখি রাতের বেলা একটি শুধু জোনাই আসে
 আলো দিয়ে মুখপানে তোর চায় ।
 কে জানে সে কি যে করে ! তারা-জন্মের কাহিনী তোর
 কানে বুঝি স্বপন দিয়ে যায় ।
 ভোরের বেলা আলো এল, ডাক্‌চেরে তোর নামটি ধরে

আজকে তবে মুখখানি তোর তোল,
 আজকে তবে আঁখিটি তোর খোল,
 লতা জাগে, পাখী জাগে, গায়ের কাছে বাতাস লাগে,
 দেখিবে—ধীরে ধীরে দোল, দোল, দোল ।

খেলা

ছেলেতে মেয়েতে করে খেলা,
 ঘাসের পরে, সাঁঝের বেলা ।

ঘোর ঘোর গাছের তলে তলে,
 ফাঁকায় পড়েছে মলিন আলো,
 কোথাও যেন সোনার ছায়া ছায়া,
 কোথাও যেন আঁধার কালো কালো
 আকাশের ধারে ধারে ঘিরে,
 বসেছে রাঙা মেঘের মেলা,
 শ্রামল ঘাসের পরে, সাঁঝে,
 আলো আঁধারের মাঝে মাঝে,
 ছেলেতে মেয়েতে করে খেলা ।

ওরা যে কেন হেসে সারা,
 কেন যে করে অমন ধারা,

কেন যে লুটোপুটি,
কেন যে ছুটোছুটি,
কেন যে আহ্লাদে কুটিকুটি ।

কেহ বা ঘাসে গড়ায়,
কেহ বা নেচে বেড়ায়,
সাঁঝের সোনা-আকাশে
হাসির সোনা ছড়ায় ।
আঁখি দুটি নৃত্য করে,
নাচে চুল পিঠের পরে,
হাসিগুলি চোখে মুখে লুকোচুরি খেলা করে

যেন মেঘের কাছে ছুটি পেয়ে
বিজ্ঞাতেরা এল ধৈর্যে,
আনন্দে হলরে আঁপন্-হারা ।
ওদের হাসি দেখে খেলা দেখে,
আকাশের একধারে থেকে
মুহু মুহু হাস্চে একটি তারা ।

ঝাউগাছে পাতাটি নড়ে না,
কামিনীর পাপড়িটি পড়ে না ।
আঁধার কাকের দল
সাজ করি কোলাহল,
কালো কালো গাছের ছায়,
কে কোথায় মিশায় যায়—
আকাশেতে পাখীটি ওড়ে না ।

সাড়ানক কোথায় গেল,
 নিবুস হয়ে এল এল
 গাছপালা বন গ্রামের আশে পাশে ।
 শুধু খেলার কোণাহল,
 শিশুকণ্ঠের কলকল,
 হাসির ধ্বনি উঠেছে আকাশে ।

কত আর খেলবি ও রে,
 নেচে নেচে হাতে ধরে
 যে যার ঘরে চলে আয় বাটু,
 আঁধার হ'য়ে এল পথঘাট ।
 সন্ধ্যাদীপ জ্বলুল ঘরে
 চেয়ে আছে তোদের তরে,
 তোদের না হেরিলে মা-র কোলে,
 ঘরের প্রাণ কঁাদে সঙ্কে হলে ।

ঘুম

ঘুমিয়ে পড়েছে শিশুগুলি,
 খেলাধুলা সব গেছে ভুলি ।

ধীরে নিশীথের বায় আসে খোলা জানালায়,
 ঘুম এনে দেয় আঁখি-পাতে,

শয্যায় পায়ের কাছে খেলেনা ছড়ান' আছে,
 ঘুমায়েছে খেলাতে খেলাতে ।
 এলিয়ে গিয়েছে দেহ, মুখে দেবতার স্নেহ
 পড়েছেরে ছায়ার মতন,
 কালো কালো চুল তার বাতাসেতে বার বার
 উড়ে উড়ে ঢাকিছে বদন ।
 তারার আলোর মত হাসিগুলি আসে কত,
 আধ খোলা অধরেতে তার
 চুম' খেয়ে যায় কতবার ।
 সারারাত স্নেহ-স্নেহে তারাগুলি চায় মুখে,
 যেন তারা করি গলাগলি,
 কত কি যে করে বলাবলি ।
 যেন তারা আঁচলেতে আঁধারে আলোতে গোঁথে
 হাসি-মাখা স্নেহের স্বপন,
 ধীরে ধীরে স্নেহভরে শিশুর প্রাণের পরে
 একে একে করে বরিষণ ।
 কাল যবে রবিকরে কাননেতে থরে থরে
 ফুটে ফুটে উঠিবে কুসুম,
 ওদেরো নয়নগুলি ফুটিয়া উঠিবে খুলি,
 কোথায় মিলায়ে যাবে ঘুম ।
 প্রভাতের আলো জাগি, যেন খেলাবার লাগি
 ওদের জাগিয়ে দিতে চায়,
 আলোতে ছেলেতে ফুলে এক সাথে আঁধি খুলে
 প্রভাতে পাখীতে গান গায় ।

বিদায়

সে যখন বিদায় নিয়ে গেল,
তখন নবমীর চাঁদ অস্তাচলে যায় ।
গভীর রাত্তি, নিবুন্ম চারিদিক,
আকাশেতে তারা অনিমিত্ত,
ধরণী নীরবে ঘুমায়ে ।

হাত দুটি তার ধ'রে দুই হাতে,
মুখের পানে চেয়ে সে রহিল,
কাননে বকুল তরুতলে
একটিও সে কথা না কহিল ।
অধরে প্রাণের মলিন ছায়া,
চোখের জলে মলিন চাঁদের আলো,
যাবার বেলা দুটি কথা ব'লে
বন-পথ দিয়ে সে চ'লে গেল ।

যন গাছের পাতার মাঝে, অঁধার পাখী গুটিয়ে পাখা,
তারি উপর চাঁদের আলো শুয়েছে,
ছায়াগুলি এলিয়ে দেহ আঁচলখানি পেতে যেন
গাছের তলায় ঘুমিয়ে রয়েছে ।
গভীর রাতে বাতাসটি নেই ; নিশীথে সরসীর জলে
কাঁপে না বনের কালো ছায়া,

যুম যেন ঘোমটা-পর্য্য ব'সে আছে ঝোপে-ঝোপে,
পড়ছে ব'সে কি যেন এক মায়া ।

চুপ্ ক'রে হেলে সে বকুল গাছে,
রমণী একেলা দাঁড়িয়ে আছে ।

এলোথেলো চুলের মাঝে বিষাদ-মাথা সে মুখখানি
চাঁদের আলো পড়েছে তার পরে,
পথের পানে চেয়ে ছিল, পথের পানেই চেয়ে আছে,
পলক নাহি তিলেক কালের তরে ।

গেলরে কে চ'লে গেল, ধীবে ধীরে চলে গেল
কি কথা সে বলে গেল হায়,
অতি দূর অশথের ছায়ে মিশায়ে কে গেল রে,
রমণী দাঁড়ায়ে জোছনায় ।

সীমাহীন জগতের মাঝে আশা তার হারিয়ে গেল,
আজি এই গভীর নিশীথে,
শূন্য অন্ধকার খানি, মলিন মুখশ্রী নিয়ে
দাঁড়িয়ে রহিল একভিত্তে ।

পশ্চিমের আকাশ সীমায়
চাঁদখানি অস্তে যায় যায় ।
ছোট ছোট মেঘগুলি, শাদা শাদা পাখা তুলি
চলে যায় চাঁদের চুম' নিয়ে,
আঁধার গাছের ছায় ডুবু ডুবু জোছনায়
স্নানমুখী রমণী দাঁড়িয়ে ।

ধীরে ধীরে প্রভাত হল, আঁধার মিলায়ে গেল
 উধা হাসে কনকবরণী,
 বকুল গাছের তলে, কুসুম রাশির পরে,
 বসিয়া পড়িল সে রমণী ।
 আঁখি দিয়ে ঝরঝরে অশ্রুবারি ঝরে পড়ে
 ভেঙে যেতে চায় যেন বুক,
 রাঙা রাঙা অধর দুটি কেঁপে কেঁপে ওঠে কভ,
 করতলে সক্রম মুখ ।
 অরুণ আঁখির পরে, • অরুণের আভা পড়ে,
 কেশপাশে অরুণ লুকাই,
 দুই হাতে মুখ ঢাকে কার নাম ধরে ডাকে,
 কেন তার সাড়া নাহি পায় ।
 বহিছে প্রভাত বায় আঁচল লুটিয়ে যায়,
 মাথায় ঝরিয়া পড়ে ফুল,
 ডালপালা ঝোলে ধীরে, কাননে সরসী তীরে
 ফুটে ওঠে মল্লিকা মুকুল ।
 পা দুখানি ছড়াইয়া পূর্বের পানে চেয়ে
 ললিতে প্রাণের গান গায়,
 গাহিতে গাহিতে গান, সব যেন অবসান,
 যেন সব-কিছু ভুলে যায় ।

প্রাণ যেন গানে মিশে, অনন্ত আকাশ মাঝে
উদাসী হইয়ে চলে যায়,
বসে বসে শুধু গান গায়।

স্বখের স্মৃতি

চেয়ে আছে আকাশের পানে
জোছনায় আঁচলটি পেতে,
যত আলো ছিল সে তাঁদের
সব যেন পড়েছে মুখেতে।
মুখে যেন গলে পড়ে চাঁদ,
চোখে যেন পড়িছে ঘুমিয়ে,
স্বকোমল শিথিল আঁচলে
প'ড়ে আছে আরামে চুমিয়ে।
একটি মৃণাল-করে মাথা,
আরেকটি প'ড়ে আছে বুকে,
বাতাসটি ব'হে গিয়ে গায়
শিহরি উঠিছে অতি সুখে।
হেলে হেলে নুয়ে নুয়ে লতা
বাতাসেতে পায় এসে পড়ে,
বিস্ময়ে মুখের পানে চেয়ে
ফুলগুলি ছলে ছলে নড়ে।

অতি দূরে বাজে ধীরে বাঁশি,
 অতি স্নেহে পরাণ উদাসী,
 অধরেতে স্থলিতচরণ।
 মদिरহিল্লোলময়ী হাসি ।
 কে যেনরে চুমো থেয়ে তারে
 চ'লে গেছে এই কিছু আগে ;
 চুমোটিরে বাঁধি ফুলহারে
 অধরেতে হাসির মাঝারে,
 চুমোতে চাঁদের চুমো দিয়ে
 রেখেছে রে বতনে সোহাগে ।
 তাই সেই চুমোটিরে ঘিরে
 হাসিগুলি সারারাত জাগে ।
 কে যেনরে ব'লে তার কাছে
 গুণ গুণ ক'রে ব'লে গেছে
 মধুমাখা বাণী কানে কানে,
 পরাণের কুসুম কারায়,
 কথাগুলি উড়িয়ে বেড়ায়,
 বাহিরিতে পথ নাহি জানে ।
 অতি দূর বাঁশরির গানে
 সে বাণী জড়িয়ে ঘেন গেছে,
 অবিরত স্বপনের মত
 ঘুরিয়ে বেড়ায় কাছে কাছে ।
 মুখে নিয়ে সেই কথা ক'টি
 খেলা করে উলটি পালটি,

আপনি আপন বাণী শুনে
 সরসে মূখেতে হয় সারা,
 কার মুখ পড়ে তার মনে,
 কার হাসি লাগিছে নয়নে,
 স্মৃতির মধুর ফুলবনে
 কোথায় হ'য়েছে পথহারা ।
 চেয়ে তাই সুনীল আকাশে,
 মুখেতে চাঁদের আলো ভাদে,
 অবসান গান আশেপাশে
 ভ্রমে যেন ভ্রমরের পারা ।

যোগী

পশ্চিমে ডুবেছে ইন্দু, সম্মুখে উদার সিদ্ধ
 শিরোপরি অনন্ত আকাশ,
 লক্ষমান জটাজুটে, যোগীবর করপুটে
 দেখিছেন সূর্য্যের প্রকাশ ।
 উলঙ্গ সূদীর্ঘকায়, বিশাল ললাট ভার
 মুখে তাঁর শাস্তির বিকাশ,
 শূন্যে আঁখি চেয়ে আছে, উদার বকের কাছে
 খেলা করে সমুদ্র বাতাস ।
 চৌদিকে দিগন্ত মুক্ত, বিশ্বচরাচর স্তম্ভ,
 তারি মাঝে যোগী মহাকায়,

ভয়ে ভয়ে ঢেউগুলি, নিয়ে যায় পদধূলি,
 ধীরে আসে ধীরে চলে যায় ।
 মহা স্তব্ধ সব ঠাই, বিধে আর শব্দ নাই
 কেবল সিঙ্কুর মহাতান,
 যেন সিঙ্কু ভক্তিভরে, জলদগন্তীর স্বরে
 তপনের করে স্তবগান ।
 আজি সমুদ্রের কূলে, নীরবে সমুদ্র ছলে
 হৃদয়ের অন্তল গভীরে,
 অনন্ত সে পারাবার, ডুবাইছে চারিধার,
 ঢেউ লাগে জগতের তীরে ।
 যোগী যেন চিত্রে লিখা, উঠিছে রবির শিখা
 মুখে তারি পড়িছে কিরণ,
 পশ্চাতে ব্যাপিয়া দিশি, *তামসী তাপসী নিশি
 ধ্যান করে মুদিয়া নয়ন ।
 শিবের জটার পরে যথা সুরধুনী ঝরে
 তারা চূর্ণ রজতের শ্রোতে,
 তেমনি কিরণ লুটে সন্ন্যাসীর জটাজুটে
 পূর্ব-আকাশ-সীমা হতে ।
 বিমল আলোক হেন, ব্রহ্মলোক হ'তে যেন
 ঝরে তাঁর ললাটের কাছে,
 মর্ত্যের তামসী নিশি, পশ্চাতে যেতেছে নিশি
 নীরবে নিস্তব্ধ চেয়ে আছে ।
 সূদূর সমুদ্র নীরে, অসীম আধার তীরে
 একটুকু কনকের রেখা,

কি মহা রহস্যময়,
সমুদ্রে অরুণোদয়
আভাসের মত যায় দেখা ।
চরাচর ব্যগ্র প্রাণে,
পুরবের পথ পানে
নেহারিছে সমুদ্ৰ অন্তল,
দেখ চেয়ে মরি মরি,
কিরণ-মৃগাল পরি
জ্যোতির্ময় কনক কমল ।
দেখ চেয়ে দেখ পূবে
কিরণে গিয়েছে ডুবে
গগনের উদার ললাট,
সহসা সে খাবিবর
আকাশে তুলিয়া কর
গাহিয়া ঊঠিল বেদ পাঠ ।

পা'গল

আপন মনে বেড়ায় গান গেয়ে,
গান কেউ শোনে, কেউ শোনে না ।
ঘুরে বেড়ায় জগৎ-পানে চেয়ে
তারে কেউ দেখে, কেউ দেখে না ।
সে যেন গানের মত প্রাণের মত শুধু
সৌরভের মত উড়ছে বাতাসেতে,
আপনায়ে আপ্নি সে জানে না,
তবু আপনাতে আপ্নি আছে মেতে ।

হরষে তার পুলকিত গা,
ভাবের ভরে টলমল পা,

কে জানে
আঁখি তার
কোথায় যে সে যায়
দেখে কি দেখে না ।
লতা তার গায়ে পড়ে,
ফুল তার পায়ে পড়ে,
নদীর মুখে কুলু কুলু রা' ।
গায়ের কাছে বাতাস করে বা' ।
সে শুধু চ'লে যায়,
মুখে কি ব'লে যায়,
বাতাস গলে যায় তা শুনে ।
স্বমুখে আঁখি রেখে,
চলেছে কোথা যে কে
কিছু সে নাহি দেখে শোনে ।
যেথেন দিয়ে যায় সে চ'লে স্বেথায় যেন ঢেউ খেলে যায়,
বাতাস যেন আকুল হয়ে ওঠে,
ধরা যেন চরণ ছুঁয়ে শিউরে ওঠে শ্রামল দেহে
লতায় যেন কুসুম ফোটে ফোটে ।
বসন্ত তার সাড়া পেয়ে সখা ব'লে আসে ধৈয়ে,
বনে যেন দুইটি বসন্ত,
দুই সখাতে ভেসে চলে ঘোবন-সাগরের জলে
কোথাও যেন নাহিরে তার অন্ত ।
আকাশ বলে এস এস, কানন বলে ব'স ব'স,
সবাই যেন নাম ধ'রে তার ডাকে ।
হেসে যখন কয় সে কথা মুচ্ছা যায়রে বনের লতা,
লুটিয়ে ভুঁয়ে চপ করে সে থাকে ।

বনের হরিণ কাছে আসে সাথে সাথে ফিরে পাশে

স্তব্ধ হয়ে দাঁড়ায় দেহছায় ।

পায়ের কাছে পড়ে লুটি, বড় বড় নয়ন ছুটি

ভুলে ভুলে মুখের পানে চায় ।

আপ্না-ভোলা সরল হাসি, ঝরে পড়চে রাশি রাশি,

আপ্নি যেন জানতে নাহি পায় ।

লতা তারে আটকে রেখে তারি কাছে হাসতে শেখে,

হাসি যেন কুসুম হয়ে যায় ।

গান গায় সে সাঁঝের বেলা মেঘগুলি তাই ভুলে খেলা

নেমে আসতে চায়রে ধরা পানে,

একে একে সাঁঝের তারা গান শুনে তার অবাক্ পায়া

আর সবারে ডেকে ডেকে আনে ।

আপ্নি মাতে আপন স্বরে আর সবারে পাগল করে,

সাথে সাথে সবাই গাহে গান,

জগতের যা কিছু আছে সব্ ফেলে দেয় পায়ের কাছে

প্রাণের কাছে খুলে দেয় সে প্রাণ ।

তোরাই শুধু গুলিনেরে কোথায় বসে রৈলি যে রে,

ঝারের কাছে গেল গেয়ে গেয়ে

কেউ তাহারে দেখ্ গিনেত চেয়ে ।

গাইতে গাইতে চলে গেল, কত দূর সে চলে গেল,

গানগুলি তার হারিয়ে গেল বনে

ছয়ায় দেওয়া তোদের পাখাণ মনে ।

মাতাল

বুঝিবে,

টাদের কিরণ পান ক'রে ওর ঢুলু ঢুলু ছুটি আঁখি,
কাছে ওর যেওনা,
কথাটি শুধায়োনা,
ফুলের গন্ধে মাতাল হ'য়ে ব'সে আছে একাকী ।

ঘুমের মত মেয়েগুলি
চোখের কাছে ছলি ছলি
বেড়ায় শুধু নুপুর রণ-রণ ।
আধেক মুদি আঁখির পাতা,
কার সাথে যে কচিৎ কথা,
শুনতে কাহার মৃদু মধুর ধ্বনি ।
অতি সুদূর পরীর দেশে—
সেখেন থেকে বাতাস এসে
কানের কাছে কাহিনী শুনায় ।
কত কি যে মোহের মায়া,
কত কি যে আলোকছায়া,
প্রাণের কাছে স্বপন ঘনায় ।
কাছে ওর যেওনা,
কথাটি শুধায়োনা,
ঘুমের মেয়ে তরাস পেয়ে যাবে,
মৃদু প্রাণে প্রমাদ গণি,

নূপুরগুলি রণ-রনি,
টাদের আলোয় কোথায় কে লুকাবে ।

চল দূরে নদীরতীরে, .
ব'সে সেথায় ধীরে ধীরে,
একটি শুধু বাঁশরী বাজাও । .
আকাশেতে হাসবে বিধু,
মধু কর্ণে মৃদু মৃদু
একটি শুধু স্নেহেরি গান গাও ।
দূর হতে আসিয়া কানে
পশিবে সে প্রাণের প্রাণে
স্বপনেতে স্বপন ঢালিয়ে ।
ছায়াময়ী মেয়েগুলি
গানের শ্রোতে ছলি ছলি,
ব'সে রবে গালে হাত দিয়ে ।

গাহিতে গাহিতে তুমি বালা
গেঁথে রাখ মালতীর মালা ।
ও যখন ঘুমাইবে গলায় পরায়ে দিবে
স্বপনে মিশিবে ফুলবাস ।
ঘুমন্ত মুখের পরে চেয়ে থেকো প্রেমভরে
মুখেতে ফুটিবে মৃদু হাস ।

বাদল

একুলা ঘরে ব'সে আছি, কেহই নেই কাছে,

সারাটা দিন মেঘ ক'রে আছে ।

সারাদিন বাদল হল,

সারাদিন বৃষ্টি পড়ে,

সারাদিন বইচে বাদল বায় ।

মেঘের ঘটা আকাশভরা,

চারিদিক আঁধার করা,

তড়িৎ-রেখা ঝলক মেরে যায় ।

শ্রামল বনের শ্রামল শিরে,

মেঘের ছায়া নেমেছে রে,

মেঘের ছায়া কুঁড়ে ঘরের পরে,

ভাঙাচোরা পথের ধারে,

ঘন বাঁশের বনের ধারে,

মেঘের ছায়া ঘনিষে যেন ধরে ।

বিজন ঘরে বাতায়নে,

সারাটা দিন আপন মনে,

ব'সে ব'সে বাইরে চেয়ে দেখি,

টুপুটুপু বৃষ্টি পড়ে,

পাতা হ'তে পাতায় ঝরে,

ডালে ব'সে ভেজে একটি পাখী ।

তালপুকুরে, জলের পরে,

বৃষ্টিবারি নেচে বেড়ায়,
 ছেলেরা মেতে বেড়ায় জলে,
 মেয়েগুলি কলসী নিয়ে,
 চলে আসে পথ দিয়ে,
 আধারভরা গাছের তলে তলে ।

কে জানে কি মনেতে আশ,
 উঠছে ধীরে দীর্ঘ-নিশাস,
 বায়ু উঠে খসিয়া খসিয়া ।
 ডালপালা হাহা করে
 বৃষ্টি-বিন্দু ঝরে পড়ে
 পাতা পড়ে খসিয়া খসিয়া ।

আত্মস্বর

শ্রাবণে গভীর নিশি, দিগ্বিদিক আছে নিশি,
 মেঘেতে মেঘেতে ঘন বাঁধা,
 কোথা শশি, কোথা তারা, মেঘারণ্যে পথহারা
 আধারে আধারে সব আঁধা !
 অলস্ত বিদ্যৎ অহি ক্ষণে ক্ষণে রহি রহি
 অন্ধকারে করিছে দংশন ।

কুস্তকর্ণ অঙ্ককার নিদ্রা টুটি বার বার

উঠিতেছে করিয়া গর্জন ।

শূণ্ণে যেন স্থান নাই, পরিপূর্ণ সব ঠাঁই,

স্বকঠিন অঁধার চাপিয়া ।

ঝড় বহে, মনে হয়, ও যেন রে ঝড় নয়,

অঙ্ককার ছলিছে কাঁপিয়া ।

মাঝে মাঝে থরহর কোথা হতে মরমর

কেঁদে কেঁদে উঠিছে অরণ্য ।

নিশীথ-সমুদ্র মাঝে জলজন্তুসম রাজে

নিশাচর যেনরে অগণ্য ।

কে যেন রে মুহুমূহ নিশ্বাস ফেলিছে হুহু,

হু হু করে কেঁদে কেঁদে ওঠে,

সুদূর অরণ্যভলে ডালপালা পায়ে দ'লে

আর্তনাদ ক'রে যেন ছোটো ।

এ অনন্ত অঙ্ককারে কে রে সে, খুঁজিছে কারে,

তন্ন তন্ন আকাশ-গহ্বর ।

তা'রে নাহি দেখে কেহ শুধু শিহরায় দেহ

গুনি তার তীব্র কণ্ঠস্বর ।

তুই কিরে নিশীথিনী অঙ্ককারে অনাথিনী

হারাইলি জগতেরে তোর ;

অনন্ত আকাশ পরি ছুটিস্বে হাহা করি,

আলোড়িয়া অঙ্ককার ঘোর ।

তাই কিরে থেকে থেকে নাম ধ'রে ডেকে ডেকে

জগতেরে করিস্ আহ্বান ।

শুনি আজি তোর স্বর, শিহরিত কণেবর

কাঁদিয়া উঠিছে কার প্রাণ ।

কে আজি রে তোর সাথে ধরি তোর হাতে হাতে

খুঁজিতে চাহিছে যেন কারে !

মহাশূন্যে দাঁড়াইয়ে, প্রান্ত হতে প্রান্তে গিয়ে,

কে চাহে কঁাদিতে অন্ধকারে !

আঁধারেতে আঁখি ফুটে ঝটিকার পরে ছুটে

তীক্ষ্ণশিখা বিদ্যুৎ মাড়ায়,

হুঁ করি নিশ্বাসিয়া চ'লে যাবে উদাসিয়া

কেশপাশ আকাশে ছড়ায়।

উম্মিগী উম্মাদিনী, ঝাটিকার কণ্ঠ জিনি

তীব্র কণ্ঠে ডাকিবে তাহারে,

সে বিলাপ কেঁপে কেঁপে বেড়াবে আকাশ ব্যেপে

ধ্বনিয়া অনন্ত অঙ্ককারে ।

ছিঁড়ি ছিঁড়ি কেশ পাশ কভু কান্না, কভু হাস

প্রাণ ভ'রে করিবে চীৎকার,

বজ্র আলিঙ্গন দিয়ে বুকে তোরে জড়াইয়ে

ছুটিতে গিয়েছে সাধ তার ।

স্মৃতি-প্রতিমা

আজ কিছু করিব না আর,
 সমুখেতে চেয়ে চেয়ে গুন্ গুন্ গেয়ে গেয়ে
 ব'সে ব'সে ভাবি একবার ।
 আজি বহু দিন পরে যেন সেই দ্বিপ্রহরে
 সে দিনের বায়ু ব'হে যায়,
 হা রে হা শৈশব মায়া, অতীত প্রাণের ছায়া,
 এখনো কি আছিহু হেথায় ?
 এখনো কি থেকে থেকে উঠিস্নে ডেকে ডেকে,
 সাড়া দিবে সে কি আর আছে ?
 যা' ছিল তা আছে সেই, আমি যে সে আমি নেই
 কেনরে আসিস্নে মোর কাছে ?
 কেনরে পুরাণ' স্নেহে পরাণের শূন্য গেছে
 দাঁড়ানে মুখের পানে চাস্নে ?
 অভিমানে ছল' ছল' নয়নে কি কথা বল',
 কেঁদে ওঠে হৃদয় উদাস ।
 আছিল যে আপনার সে বুঝি নাই আর,
 সে বুঝি হ'য়ে গেছে পর,
 তবু সে কেমন আছে, শুধাতে আসিস্নে কাছে,
 দাঁড়ানে কাঁপিস্নে থর থর ।
 আয় রে আয় রে অগ্নি, শৈশবের স্মৃতিময়ী,
 আয় তোর আপনার দেশে,

যে প্রাণ আছিল তোরি তাহারি দুয়ার ধরি
 কেন আজ ভিখারিণী বেশে ।
 আশুসরি ধীরি ধীরি বার বার চাস্ ফিরি,
 সংশয়েতে চলে না চরণ,
 ভয়ে ভয়ে মুখ পানে চাহিস্ আকুল প্রাণে,
 স্নান মুখে না সরে বচন ।
 দেহে যেন নাহি বল, চোখে পড়ে-পড়ে জল,
 এলোচুলে, মলিন বসনে ;
 কথা কেহ বলে পাছে ভয়ে না আসিস্ কাছে,
 চেয়ে র'স আকুল নয়নে ।
 সেই ঘর, সেই দ্বার, মনে পড়ে বার বার
 কত যে করিলি খেলাধুলি,
 খেলা ফেলে গেলি চ'লে, কথাটি না গেলি ব'লে,
 অভিমানে নয়ন আকুলি ।
 যেথা যা গেছিলি রেখে, ধূলায় গিয়েছে ঢেকে,
 দেখুয়ে তেমনি আছে পড়ি,
 সেই অশ্রু, সেই গান, সেই হাসি, অভিমান,
 ধূলায় যেতেছে গড়াগড়ি ।
 তবে রে বারেক আয়, বসি হেথা পুনরায়,
 ধূলিমাখা অতীতের মাঝে,
 শূন্য গৃহ জনহীন প'ড়ে আছে কত দিন,
 আর হেথা বাঁশি নাহি বাজে ।
 কেন তবে আসিবিনে, কেন কাছে বসিবিনে
 এখনো বাসিস্ যদি ভাল,

আয়রে ব্যাকুল প্রাণে চাই দুহু মুখপানে,
 গোধূলিতে নিভ'-নিভ' আলো ।
 নিভিছে সঁঝের ভাতি, আসিছে আঁধার রাতি,
 এখনি ছাইবে চারিভিতে,
 রজনীর অন্ধকারে, মরণ সাগরপারে
 কেহ করে নারিব দেখিতে ।
 আকাশের পানে চাই, চন্দ্র নাই, তারা নাই,
 একটু না বহিছে বাতাস,
 শুধু দীর্ঘ দীর্ঘ নিশি, দুজনে আঁ ধারে মিশি—
 শুনিব দৌহার দীর্ঘশ্বাস ।
 একবার চেয়ে দেখি, কোন খানে আছে যে কি,
 কোন্ খানে করেছিনু খেলা,
 শুকান' এ মালাগুলি, রাখি রে কর্ণেতে তুলি,
 কখন চলিয়া যাবে বেলা ।
 আয় তবে আয় হেথা, কোলে তোর রাখি মাথা,
 কেশপাশে মুখ দেরে ঢেকে,
 বিন্দু বিন্দু ধীরে ধীরে অশ্রু পড়ে অশ্রুণীরে,
 নিশ্বাস উঠিছে থেকে থেকে ।
 সেই পুরাতন স্নেহে হাতটি বুলাও দেহে,
 মাথাটি বুকেতে তুলে রাখি,
 কথা কও নাহি কও, চোখে চোখে চেয়ে রও,
 আঁখিতে ডুবিয়া যাক আঁখি ।

আবছায়া

তারা সেই, ধীরে ধীরে আসিত,
 মৃহ মৃহ হাসিত,
 তাদের পড়েছে আজ মনে,
 তারা কথাটি কহিত না,
 কাছেতে রহিত না,
 চেয়ে রৈত নয়নে নয়নে ।
 তারা চলে যেত আনমনে,
 বেড়াইত বনে বনে,
 আনমনে গাহিত রে গান ।
 চুল থেকে ঝরে ঝরে
 ফুলগুলি যেত পড়ে,
 কেশপাশে ঢাকিত বয়ান ।
 কাছে আমি বাইতাম,
 গানগুলি গাইতাম,
 সাথে সাথে বাইতাম পিছু,
 তারা যেন আনমনা,
 গুনিতো কি গুনিত না,
 বুঝিবারে নারিতাম কিছু ।
 কভু তারা থাকি থাকি
 আনমনে শূন্য আঁখি,

চাহিয়া রহিত মুখপানে,
 ভাল তারা বাসিত কি,
 মৃদু হাসি হাসিত কি,
 প্রাণে প্রাণ দিত কি, কে জানে !
 গাঁথি ফুলে মালাগুলি,
 যেন তা'রা যেত ভুলি
 পরাইতে আমার গলায় ।
 যেন যেতে যেতে ধীরে
 চায় তা'রা ফিরে ফিরে
 বকুলের গাছের তলায় ।
 যেন তা'রা ভালবেসে
 ডেকে যেত কাছে এসে
 চলে যেত করিত রৈ মানা ।
 আমার তরুণ প্রাণে
 তা'দের হৃদয় খানি
 অধ জানা, অধেক অজানা ।

কোথা চলে গেল তা'রা,
 কোথা যেন পথহারা,
 তা'দের দেখিনে কেন আর ।
 কোথা সেই ছায়া ছায়া
 কিশোর-কল্পনা বায়া,
 মেষ মুখে হাসিটি উষার ।

আলোতে ছায়াতে ঘেরা
জাগরণ স্বপনেরা
আশে পাশে করিত রে খেলা,
একে একে পলাইল,
শূন্যে যেন মিলাইল,
বাড়িতে লাগিল যত বেলা ।

আচ্ছন্ন

লতার লাবণা যেন কচি কিশলয়ে ঘেরা,
সুকুমার প্রাণ তার মাধুরীতে ঢেকেছে,
কোমল মুকুলগুলি চারিদিকে আকুলিত
তারি মাঝে প্রাণ যেন হুকিয়ে রেখেছে ।
ওরে যেন ভাল ক'রে দেখা যায় না,
আঁখি যেন ডুবে গিয়ে কুল পায় না ।
সাঁঝের আভা নেমে এল, জ্যোৎস্না পাশে ঘুমিয়ে প'ল,
ফুলের গন্ধ দেখতে এসেছে,
ভারাগুলি ঘিরে বসেছে ।
পুরবী রাগিণীগুলি দূর হ'তে চ'লে আসে
ছুঁতে তারে হয়নাক ভরসা,
কাছে কাছে ফিরে ফিরে মুখপানে চায় তা'রা,
যেন তা'রা মধুময়ী হরাশা ;

ঘুমন্ত প্রাণেরে ঘিরে স্বপ্নগুলি ঘুরে ফিরে
 গাঁথে যেন আলোকের কুয়াশা,
 ঢেকে তারে আছে কত, চারিদিকে শত শত
 অনিবিষ নয়নের পিয়াসা ।
 ওদের আড়াল থেকে আব্‌ছায়া দেখা যায়
 অতুলন প্রাণের বিকাশ,
 সোনার মেঘের মাঝে কচি উষা ফোটে ফোটে
 পূরবেতে তাহারি আভাস ।

আলোক-বসনা যেন আপনি সে ঢাকা আছে
 আপনার রূপের মাঝারি,
 রেখা রেখা হাসিগুলি আশে পাশে চমকিয়ে
 রূপেতেই লুকায় আবার ।
 আঁখির আলোক ছায়া আঁখিরে রয়েছে ঘিরে,
 তারি মাঝে দৃষ্টি পথহারা,
 যেথা চলে, স্বর্গ হতে অবিরাম পড়ে যেন
 লাবণ্যের পুষ্পবারিধারা ।
 ধরণীয়ে ছুঁয়ে যেন পা-ছুখানি ভেসে যায়
 কুসুমের স্রোত বহে যায়,
 কুসুমেরে ফেলে রেখে খেলাধূলা ভুলে গিয়ে
 মায়ামুগ্ধ বসন্তের বায় ।

ওরে কিছু শুধাইলে বুঝিবে নয়ন মেলি
 ছদগু নীরবে চেয়ে রবে,

অতুল অধর দুটি . ঈষৎ টুটিয়ে বুঝি
 অতি ধীরে দুটি কথা কবে ।
 আমি কি বুঝি সে ভাষা স্তনিতে কি পাব বাণী
 সে যেন কিসের প্রতিধ্বনি,
 মধুর মোহের মত যেমনি ছুঁইবে প্রাণ
 ঘুমায়ে সে পড়িবে অমনি ।
 হৃদয়ের দূর হ'তে সে যেনরে কথা কয়
 তাই তার অতি মৃদুস্বর,
 বায়ুর হিল্লোলে তাই আকুল কুমুদ সম
 কথাগুলি কাঁপে থর থর ।

কে তুমি গো উষানয়ি, আপন কিরণ দিয়ে
 আপনারে করেছ গোপন,
 রূপের সাগর মাঝে কোথা তুমি ডুবে আছ
 একাকিনী লক্ষ্মীর মতন ।
 ধীরে ধীরে ওঠ দেখি, একবার চেয়ে দেখি,
 স্বর্ণ-জ্যোতি কমল আসন,
 সুনীল সলিল হতে ধীরে ধীরে উঠে যথা
 প্রভাতের বিমল কিরণ ।
 সৌন্দর্য কোরক টুটে এস গো বাহির হয়ে
 অল্পপম সৌরভের প্রায়,
 আমি তাহে ডুবে বাব সাথে সাথে ব'হে বাব
 উদাসীন বসন্তের বায় ।

স্নেহময়ী

হাসিতে ভরিয়ে গেছে হাসি মুখখানি,
 প্রভাতে ফুলের বনে দাঁড়িয়ে আপন মনে
 মরি মরি, মুখে নাই বাণী ।
 প্রভাত কিরণগুলি চৌদিকে যেতেছে খুলি
 যেন শুভ্র কমলের দল,
 আপন মহিমা লয়ে তারি মাঝে দাঁড়াইয়ে
 কে তুই, করুণাময়ি বল ।
 স্নিগ্ধ ওই হৃ-নয়নে চাহিলে মুখের পানে
 স্নেহময়ী শান্তি প্রাণে জাগে,
 গুনি যেন স্নেহবাণী, কোমল ও হাতখানি
 প্রাণের গায়েতে যেন লাগে ।
 তোরে যেন চিনিতাম, তোর কাছে গুণিতাম
 কত কি কাহিনী, সঙ্কেবেলা,
 যেন মনে নাই, কবে কাছে বসি মোরা সবে
 তোর কাছে করিতাম খেলা ।
 অতি ধীরে তোর পাশে প্রভাতের বায়ু আসে,
 যেন ছোট ভাইটির প্রায়,
 যেন তোর স্নেহ পেয়ে তোর মুখ পানে চেয়ে
 আবার সে খেলাইতে যায় ।
 অমিয়-মাধুরী মাখি চেয়ে আছে ছুটি আঁখি,
 অগতের প্রাণ জুড়াইছে,

ফুলেরা আমোদে মেতে হেলে ছলে বাতাসেতে
 আঁখি হতে স্নেহ কুড়াইছে ।
 কি যেন জান গো ভাষা, কি যেন দিতেছ আশা,
 আঁখি দিয়ে পরাণ উথলে,
 চারিদিকে ফুলগুলি, কচি কচি বাহ তুলি,
 কোণে নাও, কোলে নাও বলে ।
 কারে যেন কাছে ডাক, যেথা তুমি বসে থাক
 তার চারিদিকে থাক তুমি,
 তোমার আপনা দিয়ে হাসিময়ী শাস্তি দিয়ে,
 পূর্ণ কর চরাচরভূমি ।
 তোমাতে পূরেছে বন, পূর্ণ হল সমীরণ,
 তোমাতে পূরেছে লতাপাতা ।
 ফুল দূরে থেকে চায় তোমার পরশ পায়,
 লুটায় তোমার কোলে মাথা ।
 তোমার প্রাণের বিভা চৌদিকে ছলিছে কিবা
 প্রভাতের আলোকহিল্লোলে,
 আজিকে প্রভাতে এ কি স্নেহের প্রতিমা দেখি,
 ব'সে আছ জগতের কোলে ।
 কেহ মুখে চেয়ে থাকে, কেহ তোরে কাছে ডাকে,
 কেহ তোর কোলে খেলা করে ।
 তুমি শুধু স্তব্ধ হয়ে একটি কথা না ক'য়ে
 চেয়ে আছ আনন্দের ভরে ।
 ওই যে তোমার কাছে সকলে দাঁড়ায়ে আছে
 ওরা মোর আপনার লোক,

ওরাও আমারি মত তোর স্নেহে আছে রত,
জুঁই বেলা বকুল অশোক ।

বড় সাধ যায় তোরে ফুল হয়ে থাকি ঘিরে
কাননে ফুলের সাথে নিশে,

নয়ন কিরণে তোর হুলিবে পরাণ মোর,
স্বাস ছুটিবে দিশে দিশে ।

তোমার হাসিটি লয়ে হরষে আকুল হয়ে

খেলা করে প্রভাতের আলো,

হাসিতে আলোট পড়ে, আলোতে হাসিটি পড়ে,
প্রভাত মধুর হয়ে গেল।

পরশি তোমার কায়,
মধুর প্রভাত বায়,
 মধুময় কুসুমের বাস,

ওই দৃষ্টি-সুখা দাও, এই দিক পানে চাও,
প্রাণ হোক প্রভাত বিকাশ।

বাহির প্রেম

শুনেছি আমারে ভাল লাগে না,

নাই বা লাগিল তোর.

কঠিন বাঁধনে চরণ বেড়িয়া,

চিরকাল তোরে রব আঁকড়িয়া.

লৌহ শৃঙ্খলের ডোর ।

তুইত আমার বন্দী অভাগিনী,
বাঁধিয়াছি কারাগারে,
প্রাণের শৃঙ্খল দিয়েছি প্রাণেতে
দেখি কে খুলিতে পারে।

জগৎ মাঝারে, যেথায় বেড়াবি,
যেথায় বসিবি, যেথায় দাঁড়াবি,
কি বসন্ত শীতে, দিবসে নিশীথে,
সাথে সাথে তোর থাকিবে বাজিতে
এ পাষণ প্রাণ অনন্ত শৃঙ্খল

চরণ জড়িয়ে ধ'রে,

একবার তোরে দেখেছি যখন

কেমনে 'এড়াবি মোরে।

চাও নাই চাও, ডাক নাই ডাক,
কাছেতে আমার থাক নাই থাক,
যাব সাথে সাথে, রব পায় পায়,
রব গায় গায় মিশি,

এ বিবাদ ঘোর, এ আঁধার মুখ,
হতাশ নিশ্বাস, এই ভাঙা বুক,
ভাঙা বাত্ম সম বাজিবে কেবল
সাথে সাথে দিবানিশি।

অনন্ত কালের সঙ্গী আমি তোর
আমি যে রে তোর ছায়া,

কিবা সে রোদনে, কিবা সে হাসিতে,

দেখিতে পাইবি কখন পাশেতে,

কখন সমুখে কখন পশ্চাতে

আমার আঁধার কায়া ।

গভীর নিশীথে, একাকী যখন

বসিয়া মলিন প্রাণে,

চমকি উঠিয়া দেখিবি তরাসে

আমিও রয়েছি বসে তোর পাশে,

চেয়ে তোর মুখ পানে ।

যে দিকেই তুই ফিরাবি বয়ান,

সেই দিকে আমি ফিরাব নয়ান,

যে দিকে চাহিবি, আকাশে, আমার

আঁধার মূর্তি আঁকা,

সকলি পড়িবে আমার আড়ালে,

জগৎ পড়িবে ঢাকা ।

দুঃস্বপ্নের মত, দুর্ভাবনাসম,

তোমায়ে রহিব যিরে,

দিবস রজনী এ মুখ দেখিব

তোমার নয়ন-নীরে ।

বিশীর্ণ-ককাল চির-ভিক্ষা সম

দাঁড়ায়ে সম্মুখে তোর

দাও দাও ব'লে কেবলি ডাকিব,

ফেলিব নয়ন-লোর ।

কেবলি সাধিব, কেবলি কাঁদিব
 কেবলি ফেলিব খাস,
 কানের কাছেতে, প্রাণের কাছেতে
 করিবরে হা-হতাশ ।
 মোর এক নাম কেবলি বসিয়া
 জপিব কানেতে তব,
 কাঁটার মতন, দিবস রজনী
 পায়েতে বিঁধিয়ে রব ।
 পূর্ব জনমের অভিশাপ সম,
 রব' আমি কাছে কাছে,
 ভাবী জনমের অদৃষ্টের মত
 বেড়াইব পাছে পাছে ।
 ঢালিয়া আমার প্রাণের আধার,
 বেড়িয়া রাখিব তোর চারিধার
 নিশীথ রচনা করি ।
 কাছেতে দাঁড়ায়ে প্রেতের মতন,
 শুধু ছুটি প্রাণী করিব যাপন
 অনন্ত সে বিভাবরী ।
 যেন রে অকূল সাগর মাঝারে
 ডুবেছে জগৎ তরী ;
 তারি মাঝে শুধু মোরা ছুটি প্রাণী,
 রয়েছি জড়ায়ে তোর বাহুখানি,
 যুবিস্ ছাড়াতে ছাড়িব না তবু,
 সে মহা সমুদ্র পরি,

পলে পলে তো'র দেহ হয় ক্ষীণ,
 পলে পলে তো'র বাহু বলহীন,
 হুজনে অনন্তে ডুবি নিশিদিন
 তবু আছি তো'রে ধরি ।
 রোগের মতন বাঁধিব তোমা'রে
 নিদারুণ আলিঙ্গনে,
 মোর বাতনায় হইবি অধীর,
 আমারি অনলে দহিবে শরীর,
 অবিরাম শুধু আমি ছাড়া আর
 কিছু না রহিবে মনে ।

গভীর নিশীথে জাগিয়া উঠিয়া
 সহসা দেখিবি কাছে,
 আড়ষ্ট কঠিন মৃত দেহ মোর
 তো'র পাশে শুয়ে আছে ।
 ঘুমা'বি যখন স্বপন দেখিবি,
 কেবল দেখিবি মো'রে,
 এই অনিমেষ তৃষাতুর আঁখি
 চাহিয়া দেখিছে তো'রে ।
 নিশীথে বলিয়া থেকে থেকে তুই
 শুনিবি আঁধার ঘো'রে,
 কোথা হতে এক কাতর উন্মাদ
 ডাকে তো'র নাম ধরে ।

সুবিজন পথে চলিতে চলিতে
 সহসা সভয় গণি,
 সাঁঝের আঁধারে শুনিতে পাইবি
 আমার হাসির ধ্বনি ।

হের অন্ধকার নরুন্নয়ী নিশা,
 আমার পরাণ হারায়েছে দিশা,
 অনন্ত এ ক্রোধ, অনন্ত এ তৃষা,
 করিতেছে হাহাকার,
 আজিকে যখন পেয়েছিরে তোরে,
 এ চির-যামিনী ছাড়িব কি করে ?
 এ ঘোর পিপাসা যুগ যুগান্তরে
 মিটিবে কি কভু আর ?
 বৃকের ভিতবে ছুরীর মতন,
 মনের মাঝারে বিষের মতন,
 রোগের মতন, শোকের মতন
 রব আমি অনিবার ।

জীবনের পিছে মরণ দাঁড়ায়ে
 আশার পশ্চাতে ভয়,
 ডাকিনীর মত রজনী ভ্রমিছে
 চিরদিন ধ'রে দিবনের পিছে
 সনন্ত ধরণীময় ।

বেথায় আলোক সেইখানে ছায়া
এই ত নিয়ম ভবে,
ও রূপের কাছে চিরদিন তাই
এ ক্ষুধা জাগিয়া রবে।

মধ্যাহ্নে

হের ওই বাড়িতেছে বেলা,
ব'সে আমি রয়েছি একেলা।
ওই হোথা যায় দেখা, সূদূরে বনের রেখা
মিশেছে আকাশ নীলিমায়।
দিক্ হ'তে দিগন্তরে নাঠ শুধু ধূধু করে,
বায়ু কোথা ব'হে চলে যায়।
সূদূর নাঠের পারে গ্রামখানি এক ধারে
গাছ দিয়ে ছায়া দিয়ে ঘেরা',
কাননের গায়ে বেন ছায়াখানি বুলাইয়া
ভেসে চলে কোথায় মেঘেরা !
মধুব উদাস প্রাণে চাই চারিদিক্ পানে,
সুতক সব ছবির মতন,
সব বেন চারিধারে অবশ আলস ভারে
স্বর্ণময় মায়ায় নগন।
গ্রাম খানি, নাঠ গানি, উঁচুনিচু পথখানি,
জ্বরেকটি গাছ মাঝে মাঝে,

আকাশ সমুদ্রে ঘেরা স্বর্ণ দ্বীপের পারা

কোথা যেন স্নদুরে বিরাজে ।

কনক-লাবণ্য ল'য়ে যেন অভিভূত হয়ে

আপনাতে আপনি ঘুমায়,

নিবুঁম পাদপ লতা, শ্রান্তকায় নীরবতা

গুয়ে আছে গাছের ছায়ায় ।

শুধু অতি মৃদু স্বরে শুন্ শুন্ গান করে

যেন সব ঘুমন্ত ভ্রমর,

যেন মধু খেতে খেতে ঘুমিয়েছে কুসুমতে

মরিয়া এসেছে কণ্ঠস্বর ।

নীল শূত্রে ছবি আঁকা রবির কিরণ মাখা,

সেথা যেন বাস করিতেছি,

জীবনের আশখানি যেন ভুলে গেছি আমি

কোথা যেন কেলিয়ে এসেছি ।

আনমনে ধীরে ধীরে বেড়াতেছি ফিরি ফিরি

ঘুমঘোর ছায়ায় ছায়ায়,

কোথা যাব কোথা যাই সে কথা যে মনে নাই,

ভুলে আছি মধুর মায়ায় ।

মধুর বাতাসে আজি যেন রে উঠিছে বাজি

পরাণের ঘুমন্ত বীণাটি,

ভালবাসা আজি কেন সঙ্গীহারা পাখী যেন

বসিয়া গাহিছে একেলাটি ।

কে জানে কাহারে চায়, প্রাণ যেন উভরায়

ডাকে করে “এস এস” ব'লে,

কাছে কারে পেতে চায়, সব তারে দিতে চায়,

মাথাটি রাখিতে চায় কোলে ।

স্তব্ধ তরুতলে গিয়া পা-তুখানি ছড়াইয়া

নিমগন মধুময় মোহে,

অনিমনে গান গেয়ে দূর শূন্য পানে চেয়ে

যুমায়ে পড়িতে চায় দৌছে ।

দূব মরীচিকাসম ওই বন উপবন,

ওরি মাঝে পরাণ উদাসী,

বিজন বকুলতলে পল্লবের মরমরে,

নাম ধ'রে বাজাইছে বাঁশি ।

সে যেন কোথায় আছে, স্তূদ্র বনের পাছে,

কত নদী সমুদ্রের গারে,

নিভৃত নির্ঝর তীরে লতায় পাতায় ঘিরে

বসে আছে নিকুঞ্জ আধারে ।

সাধ যায় বাঁশি করে বন হতে বনান্তরে

চলে যাই আপনার মনে,

কুসুমিত নদী তীরে বেড়াইব ফিরে ফিরে

কে জানে কাহার অবেষণে ।

সহসা দেখিব তারে, নিমেষেই একেবারে

প্রাণে প্রাণে হইবে মিলন,

এই মরীচিকা দেশে ছুজনে বাগর বেশে

ছায়ারাজ্যে করিব ভ্রমণ ।

বাঁধিবে সে বাহুপাশে চোখে তার স্বপ্ন ভাসে

মুখে তার হাসির মুকুল,

কে জানে বুকের কাছে আঁচল আছে না আছে
 পিঠেতে পড়েছে এলোচুল ।
 মুখে আধখানি কথা চোখে আধখানি কথা
 আধখানি হাসিতে জড়ান',
 দুজনেতে চলে যাই কে জানে কোথায় চাই
 পদতলে কুসুম ছড়ান' ।

বুঝিবে এমনি বেলা ছায়ায় করিত থেলা
 তপোবনে ঋষি-বালিকারা,
 পরিয়া বাকল বাস, মুখেতে বিমল হাস
 বনে বনে বেড়াইত তারা ।
 হরিণ-শিশুরা এসে কাছেতে বসিত যেঁসে
 মালিনী বহিত পদতলে,
 ছ-চারি সখীতে মেলি কথা কর হাসি খেলি
 তরুতলে বসি কুতূহলে ।
 কারো কোলে কারো মাথা, সরল প্রাণের কথা
 নিরালায় কহে প্রাণ খুলি,
 মুকিয়ে গাছের আড়ে সাধ বায় শুনিবারে
 কি কথা কহিছে মেয়েগুলি ।
 লতার পাতার মাঝে, ঘাসের ফুলের মাঝে
 হরিণ-শিশুর সাথে মিলি,
 অঙ্গে আভরণ নাই বাকল বসন পরি
 রূপগুলি বেড়াইছে খেলি ।

ওই দূর বনছায়া ও যে কি জানেরে মায়া,
 ও যেনরে রেখেছে লুকায়ে,
 সেই স্নিগ্ধ তপোবন চিরফুল তরুগণ,
 হরিণশাবক তরু-ছায়ে ।
 হোথায় মালিনী নদী বহে যেন নিরবধি,
 ঋষিকণ্ঠা কুটীরের মাঝে,
 কভু বসি তরুতলে মেহে তারে ভাই বলে,
 ফুলটি ঝরিলে ব্যথা বাজে ।
 কত ছবি মনে আসে, পরাণের আশেপাশে
 কল্পনা কত যে করে খেলা,
 বাতাস লাগায়ে গায়ে বসিয়া তরুর ছায়ে
 কেমনে কাটিয়া যায় বেলা ।

পূর্ণিমা

যাই—যাই—ডুবে যাই—
 আরো—আরো ডুবে যাই—
 বিহ্বল অবশ অচেতন—
 কোন্ খানে, কোন্ দূরে,
 নিশীথের কোন্ মাঝে,
 কোথা হয়ে যাই নিমগন !

হে ধরণী, পদতলে
 দিও না দিও না বাধা
 দাও মোরে দাও ছেড়ে দাও—
 অনন্ত দিবস নিশি
 এমনি ডুবিতে থাকি
 তোমরা স্নদূরে চলে চাও।—
 এ কিরে উদার জ্যোৎস্না,
 এ কিরে গভীর নিশি,
 দিশে দিশে স্তব্ধতা বিস্তারি।
 আঁধি ছুটি মুদে গেছে
 কোথা আছি কোথা নামি
 কিছু যেন বুঝিতে না পারি।
 দেখি দেখি আরো দেখি
 অসীম উদার শূন্যে
 আরো দূরে—আরো দূরে বাই—
 দেখি আজি এ অনন্তে
 আপনা হারান্নে ফেলে
 আর যেন খুঁজিয়া না পাই।—
 তোমরা চাহিয়া থাক
 জোছনা-অনৃত পানে
 বিহ্বল বিলীন তারাগুলি।
 অপার দিগন্ত ওগো,
 থাক এ মাথার পরে
 হুই দিকে হুই পাখা তুলি।

গান নাই কথা নাই
 শব্দ নাই স্পর্শ নাই
 নাই ঘুম নাই জাগরণ ।—
 কোথা কিছু নাহি জাগে
 সর্ব্বাঙ্গে জোছনা লাগে
 সর্ব্বাঙ্গ পুলকে অচেতন ।
 অসীমে সুনীলে শূণ্ণে
 বিশ্ব কোথা ভেসে গেছে
 তারে যেন দেখা নাহি যায়—
 নিশীথের নাবো শুধু
 মহান্ একাকী আমি
 অতলেতে ডুবিরে কোথায় ।
 গাও বিশ্ব গাও তুমি
 সূদূর অদৃশ্য হতে
 গাও তব নাবিকের গান —
 শত লক্ষ যাত্রী লয়ে
 কোথায় যেতেছ তুমি
 তাই ভাবি যুদিয়া নয়ান ।
 অনন্ত রজনী শুধু
 ডুবে যাই নিভে যাই
 মরে যাই অসীম মধুরে,
 বিন্দু হতে বিন্দু হয়ে
 মিশায়ে মিলায়ে যাই
 অনন্তের সূদূর সূদূরে ।

পোড়ো বাড়ি

চারিদিকে কেহ নাই, একা ভাঙা বাড়ি
 সন্ধে বেলা ছাদে ব'সে ডাকিতেছে কাক,
 নিবিড় আঁধার, মুখ বাড়ায়ে র'য়েছে,
 যেথা আছে ভাঙা ভাঙা প্রাচীরের ফাঁক ।
 পড়েছে সন্ধ্যার ছায়া অশথের গাছে,
 থেকে থেকে শাখা তার উঠিছে নড়িয়া,
 ভগ্ন গুহ দীর্ঘ এক দেবদারু তরু
 হেলিয়া ভিত্তির পরে রয়েছে পড়িয়া ।
 আকাশেতে উঠিয়াছে আধখানি চাঁদ,
 তাকায় চাঁদের পানে গৃহের আঁধার,
 প্রাঙ্গণে করিয়া মেলা উর্দ্ধমুখ হ'য়ে
 চন্দ্রালোকে শৃগালেরা করিছে চীৎকার ।

গুধাইরে, ওই তোমার ঘোর স্তব্ধ ঘরে
 কখন কি হয়েছিল বিবাহ উৎসব ?
 কোনো রজনীতে কিরে ফুল দীপালোকে
 উঠেছিল প্রমোদের নৃত্যগীত রব ?
 হোথায় কি প্রতিদিন সন্ধ্যা হয়ে এলে
 তরুণীরা সন্ধ্যাদীপ জ্বালাইয়া দিত ?
 মায়ের কোলেতে গুয়ে চাঁদেয়ে দেখিয়া
 শিশুটি তুলিয়া হাত ধরিতে চাহিত ?

বালকেরা বেড়াত কি কোলাহল করি ?

আড়িনায় খেলিত কি কোন ভাই বোন্ ?

মিলে মিশে স্নেহে প্রেমে আনন্দে উল্লাসে

প্রতি দিবসের কাজ হ'ত সমাপন ?

কোন্ ঘরে কে ছিল রে ! সে কি মনে আছে ?

কোথায় হাসিত বধু সরমের হাস,

বিরহিণী কোন্ ঘরে কোন্ বাতায়নে

রজনীতে একা বসে ফেলিত নিশ্বাস ?

যে দিন শিয়রে তোর অশথের গাছ

নিশীথের বাতাসেতে করে মর মর,

ভাঙা জানালার কাছে পশে অতি ধীরে

জাহ্নবীর তরঙ্গের দুব কলস্বর—

সে রাত্রে কি তাদের আবার পড়ে মনে

সেই সব ছেলেদের সেই কচি মুখ,

কত স্নেহময়ী মাতা তরুণ তরুণী

কত নিমিষের কত ক্ষুদ্র স্মৃতি হৃৎ ?

মনে পড়ে সেই সব হাসি আর গান,

মনে পড়ে—কোথা তা'রা, সব অবসান ।

অভিমানিনী

ও আমার অভিমানী মেয়ে
ওরে কেউ কিছু বোলো না ।
ও আমার কাছে এসেছে,
ও আমার ভাল বেসেছে,
ওরে কেউ কিছু বোলো না ।

এলোথেলো চুলগুলি ছড়িয়ে
ওই দেখ সে দাঁড়িয়ে রয়েছে ;—
নিমেষ-হারা আঁখির পাতা দুটি
চোখের অলে ভ'রে এসেছে ।—
গ্রীবাখানি ঈষৎ বাকানো
দুটি হাতে মুঠি আছে চাপি,
ছোট ছোট রাঙা রাঙা ঠোঁট
ফুলে ফুলে উঠিতেছে কাঁপি ।
সাধিলে ও কথা কবে না,
ডাকিলে ও আসিবে না কাছে ;
ও—সবার পরে অভিমান ক'রে
আপ্না নিয়ে দাঁড়িয়ে শুধু আছে ।

কি হয়েছে কি হয়েছে বলে
বাতাস এসে চুলগুলি দোলায় ;—

রাঙা ওই কপোল খানিতে
 রবির হাসি হেসে চুম খায়।—
 কচি হাতে ফুল দুখানি ছিল
 রাগ ক'রে ঐ ফেলে দিয়েছে,
 পায়ের কাছে প'ড়ে প'ড়ে তা'রা
 মুখের পানে চেয়ে রয়েছে।

আম্ন বাছা, তুই কোলে ব'সে বল
 কি কথা তোর বলিবার আছে,
 অভিমানে রাঙা মুখখানি
 আন্ দেখি তুই এ বুকের কাছে।
 ধীরে ধীরে আধ' আধ' বল
 কেঁদে কেঁদে ভীড়া ভাড়া কথা,
 আমার যদি না বলিবি তুই
 কে শুনিবে শিশু-প্রাণের ব্যথা।

নিশীথ জগৎ

জন্মেছি নিশীথে আমি, তারার আলোকে,
 র'য়েছি বসিয়া,
 চারিদিকে নিশীথিনী মাঝে মাঝে হহু করি
 উঠিছে স্বসিরা।

পশ্চিমে করেছে মেঘ, নিবিড় মেঘের প্রান্তে
 ফুরিছে দামিনী,
 হুঃস্বপ্ন ভাঙিয়া বেন শিহরি মেলিছে আঁধি
 চকিত বামিনী ।
 আঁধারে অরণ্যভূমি নয়ন মুদিয়া
 করিতেছে ধ্যান,
 অসীম আঁধার নিশা আপনার পানে চেয়ে
 হারিয়েছে জ্ঞান ।
 মাথার উপর দিয়া উড়িছে বাহুড়
 কাঁদিছে পেচক,
 একেলা রয়েছে বসি, চেরে শূন্যপানে,
 না পড়ে পলক ।

আঁধারের প্রাণী যত ভূমিতলে হাত দিয়া
 ঘুরিয়া বেড়ায়,
 চোখে উড়ে পড়ে ধূলা, কোন্‌খানে কি বে আছে
 দেখিতে না পায় ।
 চরণে বাধিছে বাধা, পাবাণে বাজিছে মাথা,
 কাঁদিছে বসিয়া,
 অগ্নি-হাসি উপহাসি উদ্ধা-অভিশাপ-শিখা
 পড়িছে খসিয়া ।
 তাদের মাথার পরে সীমাহীন অন্ধকার
 স্তব্ধ গগনেতে,

আঁধারের ভারে যেন হুইয়া পড়িছে মাথা,
 মাটির পানেতে ।
 নাড়িলে গাছের পাতা চকিতে চমকি উঠে,
 চায় চারিধারে,
 ঘোর আঁধারের মাঝে কোথা কি লুকায়ে আছে
 কে বলিতে পারে ।

গহন বনের মাঝে চলিয়াছে শিশু
 মা'র হাত ধ'রে,
 মূহূর্ত্ত ছেড়েছে হাত, প'ড়েছে পিছায়ে
 খেলাবার তরে,
 অমনি হারিয়ে পথ কেঁদে ওঠে শিশু
 ডাকে মা-মা বলে,
 “আয় মা, আয় না, আয়, কোথা চলে গেলি,
 মোরে নে মা কোলে ।”
 মা অমনি চমকিয়া “বাছা বাছা” ব'লে ছোট্টে,
 দেখিতে না পায়,
 শুধু সেই অন্ধকারে মা মা ধ্বনি পশে কানে
 চারিদিকে চায় ।

সহসা সমুখ দিয়া কে গেল ছায়ার মত,
 লাগিল তরাস,
 কে জানে সহসা যেন কোথা কোন্ দিক হতে
 গুনি দীর্ঘশ্বাস !

কে বসে রয়েছে পাশে ? কে ছুঁইল দেহ মোর
হিম-হস্তে তার ?

ওকি ও ? একি রে গুনি ! কোথা হতে উঠিল রে
ঘোর হাহাকার ?

ওকি হোথা দেখা যায়—ওই দূরে—অতি দূরে
ও কিসের আলো ?

ওকি ও উড়িছে শূন্যে ? দীর্ঘ নিশাচর পাখী ?
মেঘ কালো কালো ?

এই আঁধারের মাঝে কত না অদৃশ্য প্রাণী
কাঁদিছে বসিয়া,

নীরবে টুটিছে প্রাণ, চাহিছে তারার পানে
অরণ্যে পশিয়া ।

কেহ বা রয়েছে গুয়ে দগ্ধ হৃদয়ের পরে
স্মৃতিরে জড়ায়,

কেহ না দেখিছে তারে, অন্ধকারে অশ্রুধারা,
পড়িছে গড়ায় ।

কেহ বা গুনিছে সাড়া, উর্জকণ্ঠে নাম ধ'রে
ডাকিছে মরণে,

পশিয়া হৃদয়নাবো আশার অক্ষুর গুলি
দলিছে চরণে ।

ওদিকে আকাশ পরে মাঝে মাঝে থেকে থেকে
উঠে অটুহাস,

ঘন ঘন করতালি, উনমাদ কণ্ঠস্বরে

কাঁপিছে আকাশ ।

জালিয়া মশাণ আলো নাচিছে গাইছে তারা—

ক্ষণিক উল্লাস,

আঁধার মুহূর্ত্ত তরে হাসে যথা প্রাণপণে

আলোয়ার হাস ।

অরণ্যের প্রান্তভাগে নদী এক চলিয়াছে

বাঁকিয়া বাঁকিয়া,

স্তব্ধ জল শব্দ নাই—ফণী সম ফুঁসি উঠে

থাকিয়া থাকিয়া ।

আঁধারে চলিতে পাহ্ দেখিতে না পায় কিছু

জলে গিয়া পড়ে,

মুহূর্ত্তের হাহাকার—মুহূর্ত্তে ভাসিয়া যায়

ধর-শ্রোত-ভরে ।

সখা তার তীরে বসি একেলা কাঁদিতে থাকে,

ডাকে উর্দ্ধ্বাসে,

কাহারো না পেয়ে সাড়া শূন্যপ্রাণ প্রতিধ্বনি

কেঁদে ফিরে আসে ।

নিশীথের কারাগারে কে বেঁধে রেখেছে মোরে

রয়েছি পড়িয়া,

কেবল রয়েছি বেঁচে স্বপন কুড়িয়ে ল'য়ে

ভাঙিয়া গড়িয়া ।

আঁধারে নিজের পানে চেয়ে দেখি, ভাল করে
দেখিতে না পাই,

হৃদয়ে অজানা দেশে পাখী গায় ফুল ফোটে
পথ জানি নাই।

অন্ধকারে আপনারে দেখিতে না পাই যত
তত ভালবাসি,

তত তারে বুকে করে বাহুতে বাঁধিয়া ল'য়ে
হয়বেতে ভাসি।

তত যেন মনে হয় পাছে যে চলিতে পথে
তৃণ ফুটে পায়,

যতনের ধন পাছে চমকি কাঁদিয়া ওঠে
কুসুমের ঘায়।

সদা হয় অ বিশ্বাস কারেও চিনি না হেথা,
সবি অহুমান,

ভালবেসে কাছে গেলে দূরে চ'লে যায় সবে,
ভয়ে কাঁপে প্রাণ।

গোপনেতে অশ্রু ফেলে, মুছে ফেলে, পাছে কেহ
দেখিবারে পায়,

মরমের দীর্ঘশ্বাস মরমে রুধিয়া রাখে
পাছে শোনা যায়।

সখারে কাঁদিয়া বলে—“বড় সাধ যায় সখা,
দেখি ভাল করে,

তুই শৈশবের বঁধু চিরজন্ম কেটে গেল
দেখিছ না তোরে।

বুঝি তুমি দূরে আছ, একবার কাছে এসে
 দেখাও তোমায় ।”
 সে অমনি কৈদে বলে—“আপনাবে দেখি নাই
 কি দেখাব হায় ।”

অন্ধকার ভাগ করি, আঁধারের রাজ্য ল’য়ে
 চলিছে বিবাদ,
 সখারে বধিছে সখা সস্তানে হানিছে পিতা,
 ঘোর পরমাদ ।
 মৃত দেহ পড়ে থাকে, শকুনী বিবাদ করে
 কাছে ঘুরে ঘুরে,
 মাংস ল’য়ে টানাটানি করিতেছে হানাহানি
 শৃগালে কুকুরে ।
 অন্ধকার ভেদ করি অহরহ শুনা যায়,
 আকুল বিলাপ,
 আহতের আর্তিস্বর, হিংসার উল্লাস ধ্বনি,
 ঘোর অভিশাপ ।

মাঝে মাঝে থেকে থেকে কোথা হতে ভেসে আসে
 ফুলের সুবাস,
 প্রাণ যেন কৈদে ওঠে, অশ্রুজলে ভাসে আঁখি
 উঠেই নিশ্বাস ।

চারিদিক ভুলে যাই, প্রাণে যেন জেগে ওঠে
 স্বপন আবেশ,—
 কোথারে কুটেছে ফুল, আধারের কোন্ তীরে
 কোথা কোন্ দেশ ।

রুদ্ধ প্রাণ ক্ষুদ্র প্রাণী, রুদ্ধ প্রাণীদের সাথে
 কত রে রহিব,
 ছোট ছোট স্নেহ দুখ, ছোট ছোট আশাগুলি
 পুষিয়া রাখিব ।
 নিদ্রাহীন আঁখি মেলি পূরব আকাশ পানে
 রয়েছে চাহিয়া,
 কবে রে প্রভাত হবে, আনন্দে বিহঙ্গগুলি
 উঠিবে গাহিয়া ।

ওই যে পূরবে হেরি অরুণ-কিরণে সাজে
 মেঘ-ময়ীচিকা,
 না রে না কিছুই নয়—পূরব আশানে উঠে
 চিতানল-শিখা ।

নিশীথ-চেতনা

স্তব্ধ বাহুড়ের মত জড়িয়ে অযুত শাখা
 দলে দলে অন্ধকার ঘুমায় মুদিয়া পাখা ।
 মাঝে মাঝে পা টিপিয়া বহিছে নিশীথ-বায়,
 গাছে নড়ে ওঠে পাতা, শব্দটুকু শোনা যায় ।
 আকাশের পানে চেয়ে জাগিয়া রয়েছে বসি,
 মাঝে মাঝে হয়েকটি তারা পড়িতেছে খসি ।
 ঘুমায়েছে পশু পাখী বহুক্ষণ অচেতনা,
 শুধু এবে দলে দলে আঁধারের তলে তলে
 আকাশ করিয়া পূর্ণ স্বপ্ন করে আনাগোনা ।
 স্বপ্ন করে আনাগোনা ! কোথা দিয়ে আসে বায় !
 আঁধার আকাশ মাঝে আঁখি চারিদিকে চায় ।
 মনে হয় আসিতেছে শত স্বপ্ন নিশাচরী
 আকাশের পার হতে, আঁধার ফেলিছে ভরি ।
 চারিদিকে ভাসিতেছে চারিদিকে হাসিতেছে
 এ উহারে ডাকিতেছে আকাশের পানে চেয়ে,
 বলিতেছে, “আয় বোন, আয় তোরা আয় ধেয়ে ।”
 হাতে হাতে ধরি ধরি, নাচে যত সহচরী,
 চমকি ছুটিয়া যায় চপলা মায়ায় মেয়ে ।
 যেন মোর কাছ দিয়ে এই তারা গেল চলে,
 কেহবা মাথায় ঝের, কেহবা ঘানার কোলে ।

কেহবা মারিছে উঁকি হৃদয় মাঝারে পশি,
 আঁখির পাতার পরে কেহবা হুগিছে বসি ।
 মাথার উপর দিয়া কেহবা উড়িয়া যায়,
 নয়নের পানে মোর কেহবা ফিরিয়া চায় ।
 এখনি শুনিব যেন অতি মৃদু পদধ্বনি,
 ছোট ছোট নৃপরের অতি মৃদু রণরণি ।
 রয়েছে চকিত হয়ে আঁখির নিমেষ ভুলি—
 এখনি দেখিব যেন স্বপ্নমুখী ছায়াগুলি ।

অগ্নি স্বপ্ন মোহময়ী, দেখা দাও একবার ।
 কোথা দিয়ে আসিতেছ, কোথা দিয়ে চলিতেছ,
 কোথা গিয়ে পশিতেছ বড় সাধ দেখিবার ।
 আঁধার পরাণে পশি সারারাত করি খেলা,
 কোন্‌ খানে কোন্‌ দেশে পালাও সকালবেলা ।
 অরুণের মুখ দেখে কেন এত হয় লাজ—
 সারাদিন কোথা বসে না জানি কি কর কাজ ।
 ঘুমঘুম আঁখি মেলি তোমরা স্বপন-বালা,
 নন্দনের ছায়ে বসি শুধু বুঝি গাঁথ মালা ।
 শুধু বুঝি গুন্‌ গুন্‌ গুন্‌ গুন্‌ গান কর,—
 আপনার গান শুনে আপনি ঘুমায়ে পড় ।

আজি এই রজনীতে অচেতন চারিধার ।
 এই আবরণ ঘোর ভেদ করি মন মোর,

স্বপনের রাজ্যমাবে দাঁড়া দেখি এক বার ।
 নিজার সাগর জলে মহা আঁধারের তলে,
 চারিদিকে প্রসারিত এ কি এ নূতন দেশ,
 একত্রে স্বরগ মর্ত নাহিক দিকের শেষ ।
 কি যে যায় কি যে আসে, চারিদিকে আশেপাশে ;
 কেহ কাঁদে কেহ হাসে, কেহ থাকে কেহ যায়,
 মিশিতেছে, ফুটিতেছে, গভ্বিতেছে, টুটিতেছে,
 অবিশ্রাম লুকাচুরি—আঁখি না সন্ধান পায় ।
 কত আলো কত ছায়া, কত আশা, কত মায়া,
 কত ভয়, কত শোক, কত কি যে কোলাহল,
 কত পশু কত পাখী, কত মানুষের দল ।
 উপরেতে চেয়ে দেখ কি প্রশান্ত বিভাবরী,
 নিশ্বাস পড়েনা যেন জগৎ রয়েছে মরি !
 এক বার কর মনে আঁধারের সঙ্কোপনে
 কি গভীর কলরব—চেতনার ছেলেখেলা—
 সমস্ত জগৎ ব্যেপে স্বপনের মহা-মেলা ।
 মনে মনে ভাবি তাই এও কি নহেরে ভাই
 চৌদিকে যা' কিছু দেখি জাগিয়া সকালবেলা,
 এও কি নহেরে শুধু চেতনার ছেলেখেলা ।

স্বপ্ন, তুমি এস কাছে, মোর মুখপানে চাও,
 তোমার পাখার পরে মোরে তুলে লয়ে যাও ।
 হৃদয়ের দ্বারে দ্বারে ভ্রমি মোরা সারানিশি,
 প্রাণে প্রাণে খেলাইয়া প্রভাতে যাইব নিশি ।

ওই যে মায়ের কোলে মেয়েটি ঘুমায়ে আছে,
 একবার নিয়ে যাও ওদের প্রাণের কাছে ।—
 দেখিব কোমল প্রাণে স্নেহের প্রভাত হাসি
 সুধায় ভরিয়া প্রাণ কেমনে বেড়ায় ভাসি ।
 ওই যে প্রেমিক ছুটি কুসুম কাননে শুয়ে,
 ঘুমাইছে মুখে মুখে চরণে চরণ খুয়ে ।
 ওদের প্রাণের ছায়ে বসিতে গিয়েছে সাধ,—
 মায়া করি ঘটাইব বিরহের পরমাদ ।—
 যুমস্ত আঁখির কোণে দেখা দিবে আঁখি ভল,
 বিরহ-বিলাপ গানে ছাইবে মরম-তল ।
 সহসা উঠিবে জাগি, চমকি, শিহরি, কাঁপি,
 দ্বিগুণ আদরে পুনঃ বুকতে ধরিবে চাপি ।
 ছোট ছোট শিশু ভাই ঘুমাইছে গলাগলি,
 তাদের হৃদয় মাঝে আমরা বাইব চলি ।
 কুসুম-কোমল হিয়া কভুবা ছলিবে ভয়ে,
 রবির কিরণে কভু হাসিবে আকুল হয়ে ।

আমি যদি হইতাম স্বপন-বাসনা-ময় ।
 কত বেশ ধরিতাম কত দেশ ভ্রমিতাম,
 বেড়াতেম সঁতারিয়া ঘূমের সাগরময় ।
 নীরব চন্দ্রমা তারা, নীরব আকাশ ধরা,
 আমি শুধু চুপি চুপি ভ্রমিতাম বিশ্বময় ।
 প্রাণে প্রাণে রচিতাম কত আশা কত ভয় ।

এমন করুণ কথা প্রাণে আসিতাম ক'য়ে
 প্রভাতে পূর্বে চাহি ভাবিত তাহাই লয়ে ।
 জাগিয়া দেখিত বা'রে বৃক্কেতে ধরিত তা'রে
 যতনে মুছায়ে দিত ব্যথিতের অশ্রুজল,
 মুমূর্ষু প্রেমের প্রাণ পাইত নূতন বল ।
 ওরে স্বপ্ন, আমি যদি স্বপন হতেন হার,
 যাইতাম তার প্রাণে, যে মোরে ফিরে না চায় ।
 প্রাণে তার ভ্রমিতাম, প্রাণে তার গাহিতাম,
 প্রাণে তার খেলাতেম অবিরাম নিশি নিশি ।
 যেমনি প্রভাত হত আলোকে যেতাম মিশি ।
 দিবসে আমার কাছে কভু সে খোলে না প্রাণ,
 শোনো না আমার কথা, বোঝো না আমার গান,
 মায়াবদ্ধে প্রাণ তার গোপনে দিতাম খুলি,
 বুঝায়ে দিতেন তা'রে এই মোর গানগুলি ।
 পর দিন দিবসেতে যাইতাম কাছে তার,
 তাহ'লে কি মুখপানে চাহিত না একবার ?

